

李文恭公遺集

李文恭公文集卷十目錄

湘陰李星沅石梧著

男櫟概榛編次

粵西軍書

徐仲紳制軍

徐仲紳制軍

向欣然提軍

楊中貺廉訪

勞辛陔中丞

向欣然提軍

向欣然提軍

楊中貺廉訪

向欣然提軍

向欣然提軍

周敬修中丞

楊中貺廉訪

向欣然提軍

勞辛陔中丞

徐仲紳制軍

十二月二十三日

抵粵後連上三函并公牘摺稿度均鑒入頃委員賁到
關防雒誦手札備叨指示紉荷無涯敬承簪纓凝旃節
樓楹績韶華日近渥眷春濃且頌且忭尊恙久經平復
仍祝珍衛因時事會之乘動勞盡畫公望交屬忠勸維

殷五中無任欽系沅自月初小住桂林月半馳抵柳郡

馬蹄墟間已逸去而上林羅獵復傳聚已飭思恩

遠如南太近如慶思類皆風聲鶴唳潯州尤爲喫緊此

速查辦矣

間地較適中是以暫駐調度現查各路賊勢南太亦復

不輕前經札飭雲南官兵會同左右兩鎮暨署道府分途勦辦而潯州鴟張甚急黔兵往攻金田已有小挫彼眾我寡亟須厚集兵力設法進勦欣然辛陔意見相同止得札調滇兵由南甯水路前往均聽欣然布置欣然

南太仍飭兩鎮道會辦

十六日甫由橫州貴縣抵潯紮營河口意亦少俟滇兵承示勦賊機宜不期而合如辦理得手卽可以次翦除此股人數旣多賊巢險固又會匪不比土匪聲息隨處皆通近復竄踞大黃江水陸聯爲一氣誠腹心大患也

本省兵無可用客兵湖南較得力然亦爲數無多前請
派撥潮兵千名勢不可緩定邀允行將才則更爲難一
薛居州思之惴惴此君勇冠三軍誠不易得前繳各件
近已交到容再奉商此時實不暇及

又 十二月二十三日

本日甫肅復函縷陳壹是交賁印委員帶呈亥刻接奉
十二日手答並公牘敬悉潮兵之請未卽准行廉州實
在情形正須調度進勦此亦何敢再瀆惟粵西全局潰

爛此滅彼生南太賊勢方張而桂平金田一帶尤踞水陸要害不得不先其所急暫令滇兵合黔楚兵全力會勦然南太時切懸懸次如象州修仁永安武宣與平南均屬切膚亟須盡其在我頃據博白稟報亦難視同膜外通盤籌計非現在君子可了本地風光更無取處卽欲再資鄰照亦皆緩不濟急是以迭次乞援知垂念轄疆必邀兼顧加以後進呼籲夙荷心期亦何忍索之枯肆見在東奔西竄已無畛域可分如西寧蔓延東粵亦

無安字直是同病相憐斷不能是二是一萬祈仍如前
請或潮兵難得亦可量撥他營俟抵西之日當令於兩
省交界扼要堵截以期兩有神益虔俟鑒而許之也沅
以無能有疾之身幸遂歸養獲落自甘驟任重肩危如
履虎惟有殫精竭慮稍效涓埃他不防豫計矣勁旅固
難驍將尤罕滇黔已見大意卽楚人乍離頗牧亦復尋
常顧安得三四頗牧分投奏捷一洗妖氛耶所欲言者
無窮然不能盡諸紙筆福躔相望深於饑渴

再博白近接鬱林既有合浦賊匪竄擾安知非金田同
氣互爲聲援務乞嚴飭交界認真堵截不至富以其鄰
知韜鈴必有妙用也凡與西毗連各屬均望切諭爲要

向欣然提軍

十二月二十四日

十七十八二十一等日三寄手函度均青電廿三日酉
刻接十九日惠書並大咨各件快悉前次奏報勝仗渥
荷

天語褒嘉并在事出力人員奉

旨保奏益見忠心勇略上契

宸衷曷勝額慶日來駐節潯郡熟審機宜諒已胸有成
竹沅卽一堂聚處亦惟上將指揮現因南太空虛而思
恩所屬上林之羅墟復有劉五等匪竄擾暫須居中調
度徐制軍咨函力言潮兵不能調撥頃又飛信往商未
卜允否而博白與合浦交界亦有東匪擾及並請調兵
防堵兩省犬牙相錯此擎彼竄皆必然之勢也金田賊
匪自焚其巢移踞大黃江墟殊不可解尙祈密飭確探

最爲要著如果大夥全出俟滇兵到日似宜兩路夾攻兼以疑兵伏兵乘彼不備大頭羊等長於水面正可江口截擊以分賊勢黔將何人可倚滇中李子廉夙尙勇敢馬福李登魁王國才等似均可用恐其閱歷未久望與黔中將備量才酌遣李殿元等三人已經會奏革問其帶兵防堵從未出力現經札飭暫畱仍由司一面傳取親供詳辦乃與原奏相符李英如何請處併望明示現當需人之際自應先其所急不能執一以求署司及

劉守備所陳亦是權宜辦法誠如來示必功罪相抵也
象州前派之兵近在大樟防堵並飭近雇徭練相助修
仁現有阿副將親往合前後撥兵三百名壯丁二百五
十名沅復派投効之朱牧紹恩馳往幫辦亦雇徭練禦
敵前商請派貴標兵二百名似可略緩已諭知訥中軍
矣柳州存兵無多連日飭令操演聊備緩急人心不古
動輒造言節經嚴飭訪拏並出示曉諭聞水陸兩路間
有小匪竊奪卽當派員偵緝而得人不異日夜焦煩想

盡懷同之也共事如手足乃辱謙稱豈以沅爲不足交耶百拜再繳書問往來請用小封釘固以防沿途拆閱

楊中貺廉訪

十二月二十四日

金田賊匪自焚巢穴恐其實者虛之務再確切偵探俟滇兵到日與黔楚兵均俟提軍酌定合勦似宜奇兵伏兵相兼爲用以攻其不備也

勞辛陔中丞

十二月二十五日

廿一日申刻廿二日巳刻兩次寄函到否廿四日戌刻

得十六日三鼓手書並公牘領悉李鎮隆安之戰已於
前摺附陳其弁兵甫據冊報當再會奏請

卹所鈔私書此間亦經寄到意似湘潭舊族尚未揭破
卽尊見亦在意中且看南甯如何稟覆賀縣武生通盜
未之前聞自應嚴審治罪廿日外間忽爲子平訛言提
營卽有傳說者已痛責枷示人心不古乃至如斯竊恐
劫運方張也金田賊匪自焚其巢出踞大黃江墟情殊
叵測平南勢頗岌岌大兵在潯止可就近應援別無請

益之法子平欲用苗搖爲兵助勢已飭馬平象州分辨
然皆緩不濟急且爲數無多未必有濟仲翁借兵借將
皆一口謝絕豈真自顧不暇耶捐餉俟前片回頭卽會
台銜入告當可免駁司中原可舉行卽

恩予蠲緩已見邸抄亦可不待部文先委賢員查辦以
固人心曾與仲銘函及尙未得回信也南甯雷都司事
在十一月初間至今始悉此間仍未補報將來如何請
卹從何牽敘亦是奇聞頃得省信鄭伯擬二十四日啓

行來此果爾適如所望子平頗望沅詣彼又慮聚於一隅似非所宜如何如何將軍久無消息究竟來否殊不可知一薛居州但祝到底不懈老蓮大亨全省倚爲長城想藎懷同此拳拳也小樵信已悉冗中未及復

向欣然提軍

十二月二十五日

廿四日已刻接到十九日惠書卽行手答亥刻復接賜翰亦十九日所發何跑役之遲也承示卽連夜與哈守熟商據云苗船無定停泊不多就使情願受雇爲數亦

甚無幾因飭就近雇覓並聞融縣懷遠俱有苗船亦專
差前往招集以多爲貴但恐未必多得至此輩本無器
械製備斷難速齊已飭趕辦長針姑且應急聞閩勇向
稱得力亦飭分途雇備以壯聲援象州舉人韋任元等
前因招募猺練與該州彭牧不合恐其呼應不靈擬屬
馬平紳士有與韋舉人等素爲姻好者卽日馳往作合
較爲快便然兩路人齊已在年內年外深慮緩不濟急
憂心如焚欲徑赴潯州又慮勢難兼顧且不便聚於一

隅以致外間窺破解人當知此意也賊踞大黃江近接
平南緊防衝突我兵俟滇兵到日應否兩路夾攻或設
伏扼要或縱火焚巢再以梟勇擊之水路統希相機密
籌滇兵廿五尙在南甯候餉開行已由六百里兩次飛
催年內必趕到矣頃見訥參將云廿日所發文札未調
擡砲或尙非急需耶哈守亦未得行知也

又 十二月二十六日

廿四巳刻廿五辰刻兩次復函想均照入頃據委員談

悉融縣懷遠之苗皆剃髮種山人甚軟弱亦不遠出惟清江苗駕船可用而現在停泊僅卅一號每號三人尙須一人看船共止五六十人可期受雇人數太少沅已諭令且爲雇就能滿一百卽行再有來者總以百人一起陸續前進長針亦須趕製大約此類必不能多也象州已派舉人張瀚馳往會同雇覓搖練尙可多得亦飭就近走候調遣閩勇皆曾打仗者雇就卽令赴潯年前無日滇兵曾否趕到聞又有藤洞股匪入夥賊黨益滋

所佔大黃江墟屋多街小不能用武如兩面臨水我兵前進宜畱後路能得賊巢內應舉火或官兵分起繞出墟後拋擲火彈焚殺而以大頭羊等船砲攻其前使其首尾不相顧以地勢揣之強賊必在前面合力抗拒後面皆男婦老小一火焚之彼將自亂凡以少勝多者每用火攻及夜戰皆攻其不備出其不意也聞府城東北角有路進兵較寬不至爲水所偏未知確否行兵必先地利高明自己熟籌如佛子隘大灣等處皆賊退步如

何設伏擊之沅兵事不熟日夜懸揣輒思有以奉商諒
邀鑒察歲除新正兵心恐不設備並望嚴切飭防賊有
賊計能先探確將計就計可不勞力而獲勝卓見如何
如何鄭中丞聞於廿四日自省來柳前據慶遠紳壯拏
獲首犯張晚已批令解柳審辦矣

楊中貺廉訪

十二月二十六日

廿二廿四連寄手函度均覽入廿六日酉刻兩接廿一
廿二惠書並圖說領悉順稔政履嘉邇

恩至如春爲頌滇兵廿一日自南甯行駛此時度已抵潯合黔楚兵均由提戎布置當挾必勝之勢至金田舊巢有無餘匪藏匿以襲我後思旺要隘能否實力堵截以阻賊前城南棘洞聞與匪通兵力必須扼住壯丁船砲應有官帶水路必使夾攻均祈就近熟商以密爲要否則先爲之備矣江墟街道偏仄宜於縱火北風司令向南焚燒彼將驚潰四逸復於水濱擊之似易得手重賞之下有勇夫誠得精銳直前首尾相應奇正相間何

尙弟之足云耶年賞省局已定無煩再議鄭公傳聞於

廿四日由省前來藉可同居度歲快聽捷音

當以藤牌長矛相護

賊巢如有壕溝須得竹箴徑過或本有木箴堵截防其
抽散如陸路陷坑也偵探第一要緊新年防我兵大意
卽賊故爲歡飲亦恐暗算總須先得地利守則攻之走
則追之可步步爲營耳提戎前可密致此意

向欣然提軍

十二月二十八日

廿四廿五廿六連寄三函均詳細緊要想邀青電滇兵

全到約在歲前自荷指示機宜一戰大捷彼中烏合強
者未必及半但防分路抄襲必須步步爲營壯勇可用
不可恃卽儼然新附其心性究未深知應否令充前敵
抑暫置閒處徐徐考察老手自有權衡千萬勿令窺測
轉生他慮軍餉何日解到委員任意耽延不知緩急殊
堪怪歎已專札申飭矣上林賊近卽飭總巡遊擊馬芳
春帶兵三百往援並派慶遠協營兵二百就近策應未
哈分粟展苗兵想已心照止其多猪壯多得可無需此
卜能濟急否賀縣交界亦飭以團練固守統俟大黃江

辦理得手即可分兵掃除也懷集詩洞消息若何鄭中丞今日抵此同居度歲大庇實多此書祈密之又密世兄以外無令第二人見切屬切屬

又 十二月二十九日

彼中地利如何鄉導第一要緊鄭宮傳力言府壯不可信任引路宜囑桂平李令與縣紳酌派有身家者爲之較爲放心偵探爲軍中必需提防造言相誘千萬加意新附之人近在肘腋其船械須爲官用不至首鼠兩端

或滋內患亦祈密爲審察金田村有無餘匪藏匿與現
佔大黃江墟相爲犄角此我兵出入之路不可不查探
分明周撫軍年內可抵省

周敬修中丞

十二月二十九日

淮安一別彈指九年今秋旆從入都欣聞遠猷辰告渥
荷

龍光抃慶無似嗣聞開府粵西之喜尤深慰頌卽擬裁
箋奉賀因未卜道經何處是以少稽頃悉彤騶卽次桂

林本省官民共紓雲霓之望沅叨聯蘭楫一切藉有師
資引領芝儀不禁以手加額計當先莅梧州受篆籌度
機宜會勦想已成竹在胸所至無敵沅力小任重以柳
州適中之地暫駐行營惟祈惠示南鍼親如握敘紉愛
實無旣極謹將先後接奉

廷寄三道及奏單各件恭錄咨遞左右手肅代敘專弁
祇迓前麾

再查現在賊匪以桂平大黃江墟一股最爲悖逆猖獗

向提戎意在合剿自是先其所急其餘南太思恩等屬
均須次第殲除大局糾紛殊非意料所及知念附陳

楊中貺廉訪

十二月二十九日

廿九日酉刻連接廿五日三次惠書親如握敘就稔納
吉迎韶

新恩春渥定符心願滇兵廿一二日自南甯水路分起
迅發此時度早抵潯又得鬱博千勇兵力較足能再得
猺壯千名更分撥有餘且可爲平南助也大黃江墟較

金田易於偵探究竟金田有無藏匪我兵由此往來卽
墟南村匪亦防出而夾擊似宜奇兵伏兵攻其不備墟
集火攻爲上或大砲直轟賊中老幼驚潰強寇亦鳥獸
散矣鄉導卽屬桂平令密商邑紳擇有身家者爲之否
則恐爲所紿潯府壯良莠不齊不可用以引路人心如
小股責其攻勛爲微踰地步無涉兩端我兵分路而
面乍陰乍陽千萬隨處加察并爲提戎密陳沅兩地懸
進仍不可單或以募勇助勢
懸一刻未能稍釋夜雨不寐每及軍士勞軼輒深愀然
惟祝春風早蕩賊氛也潯餉已解去四萬五千兩如委

員來尙籌續解重賞之下有勇夫似費實省卓見諒以爲然

向欣然提軍

十二月二十九日

賊巢前有大河中隔小江兩岸十餘村皆爲逆助槍砲防備甚嚴我兵直搗賊巢必須一鼓作氣所至無敵而又層層策應分布合圍以奇兵出其不意以疑兵使其不前先防賊之襲我而後可以襲賊誠得旌旗左右再有二三驍將足供指揮自可無堅不破第全材難得當

此軍務孔亟止可節取酌用李子廉頗勇往而欠細密
餘多平平黔將可以想見楚將如止和協尤難臂助鄧
鄭兩都司究竟如何壽軒偕來諸弁尙足供鞭策否楊
陶新附能令分攻某處試其真否劉守所招總須殺賊
自贖不得觀望徘徊外間傳聞想澈清聽自有妙用試
之周撫軍以武將自許如年底已到桂林新正當詣梧
州接印或可分任領兵雖未久歷戎行卻有血性肯任
事但望其和衷商辦耳李英旣難造就只可照李殿元

等嚴參示戒各缺均應委署並改派帶兵官諸費清神
倍增歉念滇南兵頗奮勇或懸重賞令破賊巢統祈裁
酌營中砲械足用否似以大砲爲宜然必重兵交護以
防疎失鄉導偵探須擇其可信者前函已詳言之顧守
壯勇不足恃祈隨時留意

再賊巢相距較遠又隔兩水連朝下雨恐水淺者亦深
官兵移營過渡千萬留意如難驟搗中堅或就附近小
賊打起翦其羽翼俟大夥過河救援再以精兵截擊亦

調虎離山之法武舉楊鼎材能分攻一股否黔兵似不
如滇將官亦然高明以爲何如聞猛壯頗難雇止可以
鬱博壯勇代之苗壯則更不可得

勞辛陟中丞

十二月三十日

頃得廿二日手翰知東省早經奏請開捐而西省毫無
所聞爲今之計自以奏請分局較爲便宜而滎陽之意
主先請近省撥用東捐歸款然三十萬尙無回示豈能
遽爲此語容再商定奉聞滇兵開仗前已敘及弁兵請

卹則俟新正附片並上思營都司彙達譚承德已照咨
敘摺先行拏問恰有參將李英石陵之失又須添上一
片然必大黃江開仗好音始可同發豈有籌勦二三十
日尙未動手之理此舉關係太重彼中止子平主張又
未肯迫促能事令人乾急賊巢隔水兩道近村小匪皆
通動虞牽綴甚不易辦梧州砲械能就近分運往潯否
平南非大砲難守口隘然恐委之資寇如何如何周老
倉猝至省或用青龍偃月可收捷效中貺清單未到也

李文恭公文集卷十一目錄

湘陰李星沅石梧著

男桓編次

儋

粵西軍書

勞辛陔中丞

向欣然提軍

勞辛陔中丞

勞辛陔中丞

向欣然提軍

楊中貺廉訪

周敬修中丞

向欣然提軍

向欣然提軍

周敬修中丞

向欣然提軍

徐仲紳制軍

吳仲銘方伯

勞辛陟中丞

向欣然提軍

楊中貺廉訪

周敬修中丞

向欣然提軍

周敬修中丞

周敬修中丞

周敬修中丞

勞辛陔中丞

辛亥正月初二日

聞敬翁已抵桂林不卜駐劄何處大約潯梧之間將與
施從分峙曾石先來奉商卓見如何屢有會勦之

旨似未便旋省坐辦也朱先生如未接館卽望代聘來
柳提戎愼而又愼計滇兵到後必須開仗此舉關係不
小黔兵廿九以後軍心頗覺爲難亟望重整軍威第一
文武要和氣寶慶其前車也金田舊巢尙存兼聞倚山
開路半日可到花洲大黃江又爲所踞賊已負嶠我兵

無可再加練壯又不足恃思之焦極應查往事從何下手專望密單示我分局收捐已定稿併龍憑案摺滇弁卹片張鄧就擒片同發然必俟潯州勝仗爲主否則如何叙法盼捷若歲想必同心承示飭吏彙抄軍報文件大要祈速寄

向欣然提軍

正月初三日

客臘廿八廿九三十等日均有寄函諒登記室滇兵兩起昨於年底到齊苗壯旣不可得未卜獠壯到否或以

鬱博雇練嚴飭張令管帶應用至楊鼎材諸人或令分
攻某股責其立功以免觀望且兵與練分用皂白亦自
分明不至彼此推諉聞大黃江匪徒出掠其南北兩岸
必應集團堵擊以壯聲援望再切諭桂平李令上緊激
勵並告知楊中貺也又聞金田舊巢匪仍分佔且倚山
開路可通花洲未審果否兵力旣齊天氣放晴自荷相
機進剿一戰成功軍餉已解四萬交潯州糧臺茲鄭委
員來柳擬再令解二萬以備應用

勞辛陔中丞

正月初三日

平南第一要緊如藤縣之大黎里果爲永安門戶卽宜
此處防堵計尊處購有火器可併發交守隘以期當關
莫開修仁無兵可益已派朱牧紹恩令雇勇五百名何
處緊急卽往何處協助此閒有韓教官籍隸永安亦令
馳回團練矣火箭如造就可就近移送提戎以助一戰
將軍如詣潯州則大旆仍須駐梧否則兩峰不並立似
可移駐南甯以防欽靈大夥竄援且道出此閒小集也

又正月初四日

金田賊負嶠子平合三省兵力仍待獠壯爲助志在聚而殲之似羽翼太多但能擊散分攻去其巢穴較易得手甚盼天晴路乾可以開仗彼一怒爲紅顏者果能借紅衣大礮雪恥立功未始無用必如城北所料牆頭草不問兩邊風亦止如芝蘭當門矣真耶僞耶此舉自可洞見虎頭不得人心得一較勝者與鶴鳴相應似於要道有益此非乘傳分內事祈速圖之失城各屬已不乏

人逐件分明清釐誠如來示間有不得已處若輩止求脫手一叅皆所不辭委署乏人並須計及惟解人能籌全局也

向欣然提軍

正月初四日

火攻本行兵利器火罐火箭皆必需苗壯必不可得猶壯恐亦爲難鬱博勇專守思旺似乎少單或以他處壯勇爲助伏兵奇兵想當並用賊中人心渙散强者無多大約廣匪較強祈臨時加意必以勁兵攻之賊巢有伏

大礮處我兵宜鼓勇旁抄奪之楚兵需人分帶已如示
會奏請調博瞿兩員能得一員亦可應用潯州顧守處
分可知平南兵練不協已飭司查辦並望虎威彈壓以
防內患切禱切禱

楊中貺廉訪

正月初五日

歲前縷復一函度已入覽頃接除日環翰知滇兵尙未
到潯其頭起已過貴縣元日必到後起則須略遲然此
時亦必會合肅候提戎布置天晴進兵一戰奏捷且盼

且祝聞牛排油榨二處賊伏大礮官兵必旁抄奪之釘
塞礮眼竹林叢雜亦宜分兵接應以防伏莽提戎必早
籌畫望談次及之如未開仗之先有自悔逃出歸農者
並望委員確查護送爲要平南事令人懸慮倪令責任
甚重不可專自爲謀如果汎兵逞兇卽應照律懲辦已
函致提戎奉商矣

周敬修中丞

正月初五日

粵西情形疲敝久在鑒中近則匪勢披猖幾乎賊多民

少非特募勇難恃額兵亦未可知咎在提鎮因循將備
弁兵毫無顧忌見賊輒走已成故套幸得向欣然二兄
來此重整軍威然皆楚兵得力並未用粵兵也此非大
加懲創何能去暴安良埽除逆醜沉入境伊始卽以是
爲兢兢已嚴叅副將叅將等四員並疊咨向二兄兼札
各鎮如有仍前退縮者卽行軍法從事承示不謀而合
益微洞燭弊源客歲冬月廿九黔兵小挫伊副將未免
輕敵而勇往無前亦甚難得隨兵陣亡四十餘名餘雖

未能救援尙能截戰堅守士氣咸思再振向二兄以賊
眾我寡商調滇兵二千名自南甯折回赴潯及黔楚兵
併力攻勦不肯輕於一試少損前威亦與卓見相合日
內大兵已齊天晴自當進戰或分或合或前或後已就
輿圖密商但祝一鼓殲除餘匪望風膽落可期次第順
手以大概論潯州大黃江會匪最爲狂悖法必先誅次
則南甯太平兩府界連廣東此拿彼竄實爲羣盜淵藪
勦辦亦不容緩想均照察省門地處腹中外有環衛刻

下無他慮重以碩畫布置人心當更帖然承示弓箭軍
器自能利用尤以火器爲宜沅前擬在長沙趕造地雷
火箭昨復派員往催所募壽宿精銳百餘名何時約可
抵粵翹盼之至沅軍旅未嫻日夕冰凜惟仗老謀指示
藉以藏鳩向二兄及辛陔亦皆夙佩韜鈴必能同心併
力惟命是聽也永州發來之書已隨
廷寄於日昨奉到矣

向欣然提軍 正月初六日

金田舊巢有無賊匪藏匿其阻擋牛排油榨二處聞有
伏礮以男婦大小守之儘可旁抄奪取釘塞礮眼但平
南一枝兵力較單須以鬱勇爲助否則賊踞不能攻賊
竄不能遏且防分夥直逼平南縣城高明想已籌及大

海和亦須一隅兵守城

約官兵此舉痛加懲創賊非往擾平南卽竄入花洲但
將大黃江口收回金田舊巢全燬再圖進兵追擊所謂
一步緊一步也苗壯已不可得獠壯能雇六百亦足備
用聞勇日內趕挑得三百一起卽令先行近因過年未

來此項尙不難得如大營先已開仗得勝亦可酌令防守平南象州也象州雇徭未成只有官兵三百名甚爲可慮如賊往花洲翻山路不遠矣又宋陶前帶弁兵軍械存否成福兩將接管祈飭查李殿元必難得力須以劉守管帶水勇責令出力自贖卽在此舉承示保舉單容再會列臺銜入奏目內如得捷音一同上達必邀恩允翹盼之至

柳營擡礮早解去並諭中軍添解大礮火藥到否

又正月初七日

滇兵此時必到齊苗壯旣不可得猺練來亦月半止可
以鬱博千勇爲助相機策遣五路旣恐兵單卽可併爲
兩路前後夾擊再用礮船攻前責令搶彼礮臺以爲實
驗火攻得手賊雖衆亦無所施重以虎威宿著鎮將同
心小醜誠不足算師克在和亦在壯務望登壇揮霍鼓
舞多方使人人奮勇必滅此而朝食此克勝之道也閩
勇已得三百明日卽令先行隨後添雇再發猺壯愈速

愈妙已發雇價千金據韋拔貢云總須月半始能齊也
太平上林柳城皆有賊蹤已委員分辦龍城株守日盼
捷音

周敬脩中丞

正月初八日

沅諦審大局固由武備無人而州縣沓冗鮮能實心任
事以致貽累地方亟應奏請揀發曾經外任州縣二十
人來西備用或有轉機計奏報接象似可附摺奏請或
挈沅銜會奏亦無不可有揀發不到省者即照例查叅

規避並望酌定示覆

向欣然提軍

正月初八日

查該匪現踞江墟前後皆水自守亦適自困我兵前後夾擊匪必直竄平南該縣兵勇較單近又有汎兵鼓譟之事深爲懸慮所有兵勇二千餘名似不宜調出接仗止於近城要隘合力堵截匪至則迎而擊之我兵尾追其後仍是兩面夾攻高明以爲何如聞平南城小而堅第一防守要緊倘鬱博勇不用於潯亦可飭往該縣協

防或水勇船截匪江面均可爲平南著力也此閒閩勇
三百今日登舟卽行尙可續得二百獠壯由象州直下
能十二三日到齊則更妙矣

徐仲紳制軍

正月初八日

此閒金田會匪竄踞大黃江墟四掠近村言之髮指滇
兵由南甯馳往水小灘多新正月初三日尙未到提戎意
在持重並雇獠壯爲助適值新歲俱有耽延天氣又不
放晴火器如何施展是以尙未接仗而太屬賊甚岌岌

上林亦有莽戎近如柳城皆不免雖經派兵勦辦然必
金田早平始可分路埽蕩而軍需繁費萬不能支續撥
之來尙早知籌餉開例兩省利用無窮桂林紳士復請
分局辭之不獲勉強入告其實際大概可知於事何益
現據司詳告急必不得已備文奉商務祈俯加籌度暫
於關運兩庫借撥三十萬飭委迅解來西以救燃眉無
厭之求想邀鑒諒前乞潮兵一節亦望設法應之沅自
駐龍城陰雨不已歲朝陟屺心旌懸懸胸結時復掣痛

每懷忠勤惟以保衛爲祝

吳仲銘方伯

正月初九日

昨函商敬翁多請揀發州縣頃夢翁談及尙有續請六員未到省似不能多卽祈進見縷陳是否可行統由敬翁酌定人數必應從減至囑至囑火藥可畱省局已來則不必說解到軍械不合用祈嚴飭局員爲要

勞辛陔中丞

正月初九日

賊匪經官兵一擊勢必四竄平南最要緊能設法捍禦

否周誠之聞不甚妥何不以張林易之此閒幾成妙手
近如柳城遠如上林皆須分兵馳勦心旌懸懸黃小有
才然不可靠原叅玩視民瘼亦復難下轉語何日委員
送印如須移駐南甯藉可暢領情話跂何如之

向欣然提軍

正月初九日

搖練初七日能六百餘人出山十二三日可到昨象州
拔貢韋健元等來柳呈訴往事沅卽批示許以立功請
獎當卽懽喜趕回或加倍出力且望爲象州防守計也

平南兵勇不宜調出宜令扼要守城賊至卽擊官兵跟蹤直追可以腹背夾攻新附之人由水道攻其墟前亦是要著但防縱匪作人情耳會匪七日一拜擡探明此日進攻較易得手要以天晴路乾爲上似該匪行梯土囊皆攻城之具必不敢來潯州故平南宜加意防守以免竄越高明必以爲然設匪分夥他擾我兵必追擊之否則愈走愈遠裹脅日多更難於收拾矣密示領悉並見精心擘畫奇正相生實深佩服重賞之下有勇夫似

如用花銀須飭梧州代辦柳州無可多

得也

恐以資敵

費而省復何吝惜但釘塞一層必有明驗撥船所交之人與備械堵札南河皆須勇幹備弁親往督查以防僭端行詐又緩兵必在受降後恐其乘我不備突出四擾卓見當早及之恃厚愛故敢瑣瑣也有應解回原籍者卽祈就近飭辦以免壅塞

楊中貺廉訪

正月初十日

頃接初五來信似客臘廿六三十等日奉寄要函尙未達覽卽望查明示復內三十日復書系由專足攜去並

寄提戎一面軍務重情恐拆閱洩漏不可不加察也平
南務宜嚴防縣營互訐案亦望確究切囑切囑

周敬脩中丞 正月十一日

上年失城各州縣現奉

諭旨飭查已轉行司道查明據實稟復會商核辦州縣
失於防範以致賊匪橫行咎無可追而營務廢弛人心
恇怯文員無拳無勇徒喚奈何可恨亦復可憐必概坐
以失城其罪甚重例載賊入劫盜旋即逃散不係失陷

者止以失盜論原有區別似此案各員從重議革亦足
蔽辜可否務祈酌示現當軍務倥傯而太平府屬尤值
多事之秋若將此案撤叅一時乏人接署展轉耽閣恐
悞地方或俟大局略定再行奏結以期一了百了亦望
裁定沅於辦案之輕重入奏之遲早固毫無成見也

向欣然提軍 正月十一日

初六初七初八初九等日均有寄函度塵清覽聞勇五
百名派吳貽書管帶昨日登舟開行計與搖壯六百同

尚有
一百名
由武
宣前
送

時趕到籌畫早定自可相機進攻惟天氣總不見晴令
人焦灼而爲時既久彼此相持恐干

軍士草鞋裹經之

嚴旨切責難於復奏如果暢晴難得亦只好陰而不雨

類必不可少廣西春雨最多亦須預計

火器可施卽望酌量行事極知盡懷熟慮區區之見惟

以心印心也賊匪七日一拜擡我兵攻之最便其特眾

脅從可散其強暴

抗拒斷非痛剿不行卽使密示有成亦必大加懲創否

必不容以絕後患

則了而未了矣礮臺不能活用似以旁襲爲宜想已飭

辦上林需兵甚急已雇廣勇閩勇卽日馳往剿辦柳城

事亦未結

周敬脩中丞

正月十二日

得初九日節署發來手教猥荷推誠相與視若同胞曷
勝欽感行軍以籌餉爲亟各省庫款支絀撥解爲艱前
請三十萬未卜何日到粵到亦必不敷用昨據署司來
稟已咨商徐制軍並函懇於關運兩庫借撥銀三十萬
以救然眉來示正復相同但不識如何作答殊心系之
損價減半並准捐米抵銀誠籌備之良法但須由司議

詳我輩會奏方可通行以東省奏經部議必得實銀請
叙也統惟高明酌之如能權宜奏准賊無糧而民有食
計無便於此矣行軍利器勁旅何日可齊似由平樂至
梧泝流至潯水程不能迅速莫若永福坐船至柳州順
流而下較爲快便廣勇三百在梧亦可調用且沅違教
多年藉紆渴想是亦愛沅之道也潯州兵勇已齊俟天
色晴明卽當進兵攻勦或賊匪分竄大旆扼要截擊難
以預計沅因南太空虛太屬又值多事請兵請餉無以

應之上林柳城賊匪籌勦亦未就緒憂心如焚

又 正月十三日

十一十二兩日均有寄函諒經鑒入前聞太平府屬有賊竄擾沅卽飛飭左江德鎮管帶兵勇由南甯馳往勦辦頃據南甯府及德鎮來稟以宣化欽州靈山兩省交界各匪徒聚眾萬人口稱將至南甯投誠意圖竄擾雖虛實尙難預定然必不可不防已批該鎮府確切偵探相機籌備德鎮應否赴太總以紳稟虛實爲定如其有

之是與桂平劈分兩大股評改更不易矣日來天雨稍止欣然刻期進兵此舉如可得手卽須會籌南太其地接廣東高廉夙稱盜賊淵藪想必聞之熟矣宿勇到桂林否臺旆由平樂梧州赴潯不如由柳州坐船下水快到且可面承教益也頃據辛陔來咨恭錄

諭旨遇有奏報一並列銜會奏以後各路軍務自應函商由柳巢發其地方公件如捐輸蠲緩之類則由節府主稿有應沅會銜者卽祈挈銜辦理同心共事原無畛

域可分也聞奏調官紳來粵效用可得知一二乎外附
錄南甯紳稟一紙

又正月十四日

十二十三兩日均上手函諒已遞達頃接十一日卯刻
手書親若晤談且誦且佩粵西得人爲急沅亦早計及
此承示單開各員洵爲賞識公允中如姚周兩道李牧
林丞劉令馮司馬皆沅夙所心賞者略嫌人數較多或
將李鄴兩主事臧韋兩舉人及文生張某暫且從緩奏

此稿可函致者

調又到任捐例應專銜毋須會奏統乞酌之至賊勢蔓延無處不有目前桂平會匪最爲可恨次則太平股匪人亦不少若如南甯昨稟數又倍之已飛飭確探續報一面集壯起團不動聲色分段防堵並選派公正紳士爲助不可無事張皇沉因謝長腰四一股出沒上林地面亟須設法擒捕已札飭慶遠兵二百思恩兵二百並隨護兵一百又閩勇五百廣勇五百派令將官管帶往剿仍擬飭石江道慶吉馳駐賓州策應聊壯聲威如上

林勦辦得手即可移向南太此皆無中生有不令賊匪
乘虛厚叻指示機宜要以人才難得爲可慮也大兵全
在潯州此時斷不能分力且俟天晴開仗得有捷報再
行奉商昔患土司之強今患土司之弱如田州忻城安
定數處較爲可用然皆不過助勢而已捐米事須熟計
能奏准而後行部中恐必不應想早意會